



平桂紀略  
廣西昭忠錄

(二)

廣西昭忠錄卷四

列傳

羅定霖

羅定霖字雲芙安徽歙縣人由舉人充國史館謄錄  
議敘知縣揀發廣西厯署隆安永淳縣事咸豐二年  
十一月代理橫州知州平浪賊李文彩屢擾橫永定  
霖防剿數年頗著聲績七年四月李文彩糾合艇賊  
大口昌陷橫州革職從軍效力至柳州病故照例請  
卹



鄧樹榮

鄧樹榮字采臣四川人咸豐八年署理柳城縣事時  
柳城初克復人心未定餘賊散匿伺隙蠢動樹榮撫  
綏居民漸次安堵十一月太平大埠土賊糾合艇賊  
陳保復陷柳州順流而下樹榮馳赴北鄉之牛嶺截  
其歸路更集馬山之鄉兵於田村西岸以遏柳江駛  
出之賊兵甫集而賊大至遂潰賊奪西岸分黨由陸  
路並進執樹榮去幽之府城越明年正月乃被害  
文報

八年十一月  
十二日陣亡



章國棟

章國棟字秋甫安徽青陽人由禮部供事議叙分發廣西厯署雒容馬平典史自良司巡檢補授按察司司獄咸豐八年十一月代理永安州事時蓮塘賊張高友往來刼掠修仁荔浦永安危甚國棟初至防守惟謹親身督戰不避矢石州屬之古排塘要隘也賊將據之國棟率衆與戰不勝遂遇害十二月二十五日事履任僅月餘耳



## 黃開亮

黃開亮字綵藻湖南長沙人以軍功洊升參將咸豐九年由湖南統桂字營水師至廣西隨布政使蔣益澧剿柳州賊時李文茂踞柳州其黨分踞對河墟窰埠及青龍廟盤古廟等處益澧遣副將胡顯高遊擊劉文彬都司左光藻擊之開亮率水師繼進賊船蔽江下陸路賊亦出皆擊却之四月初二日水陸官軍復大舉進剿開亮率所部出東路吳元春劉桂廷率所部出西路上下夾攻陸路兵勇分屯以備截擊殺賊千餘平沿河諸壘盡燬其砦奪賊船無算開亮銳

於成功麾軍深入賊抵死沖突火器競發烟焰漲天  
江面皆墨水師返奔礮碎開亮坐船遂溺死議卹如  
副將例

王稼祥

王稼祥浙江會稽人報捐未入流奏留廣西咸豐八年十一月署靈川縣典史九年八月集團於九屋墟積勞病故議卹加吏目銜

月江集卷之十一  
三

胡顯高

胡顯高字達臣湖南湘鄉人咸豐六年分統湘勇隨蔣益澧至廣西收復興安灌陽恭城慶遠各城於平樂之沙子街永福之黃冕羅城之三門江臨桂之蘇橋戰功尤著七年秋進軍平樂至黑山賊悉衆迎敵顯高大捷於牌坊腳破賊砦兩重身受七傷賊退據河干列隊於橋前偪城下顯高率所部奮擊奪橋賊敗走八年移軍柳州與知府潘家馥參將謝年豐復柳城再與遊擊劉文彬都司左光藻復融縣九年八月石達開犯省城巡撫曹澍鍾檄參將蕭榮芳王東

林與文彬顯高自柳州來援師次石門崙賊分道出  
羅錦會仙六塘以截我軍顯高猝遇賊被圍數重越  
五日鉛藥不繼糧亦竭榮芳已馳赴桂林顯高力戰  
突圍出中礮仆地良久氣乃絕所部皆潰翼日散卒  
復聚昇其屍過五塘桃子園李家莊諸隘每昇者覺  
屍重不能舉必有警則先戒備而行途中數以此占  
賊衆驚爲神省城圍解上其事如總兵銜議卹

恩錫

張文棟增

恩錫字晉帆滿洲鑲黃旗人由都察院筆帖式授葉爾羌回務章京調喀什喀糧餉章京旋留葉爾羌幫解糧餉事務期滿以知州選授廣西東蘭州知州咸豐九年秋洪秀全賊目石鎮吉賴裕興糾柳城土賊陳土養等攻陷慶遠府城被害賊分黨攻忻城土縣典史張文棟死於署文棟字松生廣東人議卹恩錫加贈道銜

（The text in this section is extremely faint and largely illegible. It appears to be a long passage of vertical Chinese text, possibly a historical record or a philosophical treatise, spanning the width of the page within the main border.)

謝紹江

謝紹江直隸豐<sub>寧</sub>人以未入流分發廣西厯署貴縣  
昭平典史歸順州吏目以憂歸道光二十五年服闋  
赴梧州藤縣督理緝捕事務旋代理蒼梧安平縣巡  
檢咸豐初以軍務積勞擢縣丞八年八月代理武宣  
縣事九年九月病卒於巖口行營